

大宋中興
通俗演義

古本小說集成

上海古籍出版社



《古本小說集成》編委會編

大宋中興通俗演義

下
〔明〕熊大木編

上海古籍出版社

新刊大宋中興通俗演義卷之五

起紹興四年甲寅歲

止紹興六年丙辰歲

首尾凡三年事實

按實史節目

韓世忠鏖戰大儀

紹興四年冬十月趙鼎與張浚出於教場操練諸軍浚執
趙鼎手曰此行舉措皆合人心鼎笑曰喻子才之功也子
字浚鼎計有二十萬人馬奏報朝廷高宗謂群臣曰朕今
養兵數年已勾二十萬則不畏懼敵人旁有侍御史常同
奏曰臣雖愚昧未聞有二十萬兵而怕人者也高宗大喜
決意前征張浚受命辭朝奏曰伏願陛下星火差人去召

岳飛領兵渡江入淮會兵退虜臣自往鎮江督召劉光世
韓世忠等與兀朮決日交兵陛下以大軍出平江取齊高
宗准其奏即差內侍賫書疾忙前去宣召岳飛一邊差官
領兵護送後宮妃后盡去溫州上船入海投奔福建泉州
暫且停止趙鼎又怕高宗親征之意有變又奏曰陛下養
兵將有十年用他正在今日聞知聖駕親征無不欣悅用
命陛下之心若有少懈即使人心離散大江之險則不能
保此江若被虜賊得了我這江南之地無可靠也陛下當
熟思之先年只因失了大江之險聖駕直到海濱無可歸
矣高宗聞其所言泣謂鼎曰非惟朕無所歸累及隆祐太
后妃嬪皆不知下落今朕決意親征卿當激勵諸將盡忠

爲國起鼎再拜以謝時高宗駕起臨安府諸將各擁重兵分道而進

江東淮南路兵命劉光世率領

鎮江建康淮東路兵命韓世忠率領

荆南岳鄂潭鼎澧資六州併漢陽兵命張俊領

江西路舒州鄱州兵命岳飛率領

利州路兵命吳玠率領

明州沿海兵命郭仲荀率領

趙鼎分調以定內廷一班文武並隨御駕親征高宗曰可先遣魏良臣使金陳兩國利害然後示兵胡松年奏曰既與決戰何必再通使命帝曰二聖在彼若猶如前不悛朕

史等直抵沙漠勦絕醜類而迎回車駕也竟遣行帝又
命韓世忠一路朕當以手勅命之駐兵揚州以候迎朕趙
鼎曰世忠兵屯鎮江正當金人來路豈可移之聖上更宜
裁詳帝不從下詔遣使馳報世忠却說韓世忠在鎮江得
高宗駐揚州手勅感泣曰主憂如此臣子何以生爲遂聚
部議曰君上御駕親出元術約金甌兒李堇兵出江上
若吾大軍進駐揚州長江必爲虜得則江南之地何以爲
計正猶預間忽報朝廷遣魏良臣通使金國經由鎮江世
忠聞此消息以手加額曰此天賜吾機會也衆將問計將
與世忠曰近日金甌兒李堇屢欲窺睨鎮江以吾屯扎
在此不敢即來也世忠預畫此策使子牙再出諸葛復生

金人亦逃不出苦圍套也衆皆未信世忠因命部下徹去
軍中炊爨待良臣至以乾糧給之衆人得令盡去其炊爨
示以匱乏之意良臣入見世忠世忠與之交論片時因謂
曰近來與金兵交戰儲積已空未有甚礼供給且目下君
命移師駐揚州事急使臣寬容到金國雖決君上款激勵
示師江上勿以朝廷自屈為辭實社稷幸也魏良臣不悅
即辭世忠亟上馬馳去又報趙鼎奏准即日金人入寇詔
世忠暫停駐揚州命移守長江以拒虜兵來路世忠見旨
度良臣已出境即喚統制鮮元分付曰承州高郵縣北門
當敵人之衝尔可領三千軍守于此以候金人之步騎又
喚董叔曰與你鉄騎二千屯札天長縣鷓鴣口橋敵人戰敗

必然奔走那條路等他人馬過一半令兵截出可獲全勝
解元董收各領計去了世忠分撥已定自提騎兵二萬揚
言移師揚州其實駐大儀以當敵騎伐木爲柵斷其歸路
令蘇勝列五陣於江口設伏兵四千多張五色旗幟金兵
來到從中擊之着霍武領二千勁卒各持長斧利刃背鬼
埋伏聞鼓聲即起二人依計而去不在話下却說魏良臣
運至金軍中先見聶兒孛童具知使金陳說利害令爾國
罷兵息爭聶兒孛童問曰爾從中國來宋師動靜如何良
臣對曰近日過鎮江已見韓世忠軍中乏食甲士累无聞
志朝廷又命之移師駐揚州良臣來時彼亦準備起行矣
聶兒孛童聞世忠退大寨即起兵至江口距大儀五里旗

領鉄騎擁過五陣東時值冬初侵早大露迷空世忠探知
敵人薄陣傳小麾旗鳴鼓蘇勝聽的引四千精兵截出江
口旗色與金人旗雜出喊聲大舉捷不野正不知那里軍
來情知中計急引衆騎退回蘇勝一疋馬突入中軍霍武
從山鬼引勁卒殺來兩下夾攻金兵大敗首尾不能相救
聶兒李董引大衆殺回石路被韓世忠騎兵截住金兵荒亂
陷于泥澤中者不可勝數世忠驅勁騎四面蹂躪之人馬
俱斃聶兒李董死戰殺出正遇捷不野不野曰江淮四下
難出大王可速奔承州而走聶兒李董引敗衆亟走承州
霍武部下各持長斧利刃邀擊上砍步騎下斫番馬足捷

不野力抵霍武戰未數合捷不野戰騎先倒墜於馬下宋
軍何前提了聶兒李董殺出重圍走到高郵地界日已當
午解元已設伏水軍夾河而陣聶兒李董與撒孔兒走來
到忽一派鼓聲河口伏兵齊起聶兒李董驚荒不迭解元
一騎突來撒孔兒跑馬挺鎗直奔解元二馬相交只一合
斬撒孔兒爲兩段殺死金兵於河中者無數聶兒李董刺
斜而走解元揮兵追殺聶兒李董走出天長被董叔一軍
攔住去路又殺一陣聶兒李董止剩得五千騎漏夜逃走
比去韓世忠大軍直追至淮而回○是役也金人驚潰相
踣藉溺死者六七萬人俘獲不野驍虜以下二百餘人掠
獲輜重衣甲不可勝計世忠收集各處人馬無將俱問撫

鎮以一萬步騎當金人方張之勢如何料敵若是審也世忠曰虜賊要遣人探吾虛實未知其的不敢動兵親良臣爲人最恪不忠於朝今使金國必先見敵以我軍中壅關及後師事報知聶兒孛董孛董的信之動兵吾預備幾路皆敵人所必走是以勝也衆皆拜服世忠遣人以捷報高宗聞捷音大喜群臣入賀帝曰世忠上勇朕知其必能成功沈與求香自建炎以來將士未嘗與金人迎敵一戰今世忠連捷其功不細論者以此舉爲中興武功第一

評曰自虜寇再至藉累勝之威憑陵中夏其勢甚銳世忠駐兵大儀出奇設伏伐木爲柵自斷路以爲戰之不勝遂言以必死其忠君之心至矣由是虜兵甫進

伏軍夾擊虜兵敗退追躡至淮則其義勇之氣有以貫徹胸中云尔論者以此舉爲中興武功第一豈不誠然乎使高宗委任之專不惑群議則中興之業可運於掌惜乎不足以語此

岳飛兩戰破李成

却說岳飛聞劉豫欲順流而下李成既陷襄陽等六郡又欲自江西陸行趨浙江與楊么會具本奏襄陽等六郡爲恢復中原根本今當先取六郡以除心膂之病李成遠遁然後加兵湖湘以殄群盜帝以謂趙鼎曰知上流利害無如飛者朱勝非亦言襄陽國之上流不可不急取帝即下詔江西總管岳飛遣兵上飛承詔提兵至廬州聞知

將京超以兵占據其人驍勇號為萬人敵岳飛人馬渡江
船至江心謂諸將曰我若不擒此賊再不過此江矣岳飛
兵到京超知岳飛名聲只閉城堅守岳飛驅馬遠城遠遠
看了一遭到城東北角見了大喜轉過來城下見京超在
於城上岳飛乃使張憲於城下問之曰尔本受我聖朝厚
恩爲何跟着叛臣劉豫造反京超無言可對他部下劉摯
向前對曰今日各爲其主不必多言張憲回以劉摯言告知
岳飛岳飛正怒間有軍正韓來說過了江來後運未至
軍中缺糧飛問曰糧料還有多少軍正曰只夠一日支應
飛曰明日打開城便有糧次日黎明謂諸將曰我等入馬
渡江北來後運未至前有諜兵圍城以拒後有大江尔衆

等今日各當奮力攻圍此城方纔得食用命者賞不用命者誅言畢揮兵鼓譟而進着令敢死士五百徑奔東北城角士卒皆累肩而上一時間把城奪了京超見城陷無處可逃投崖身死殺戮虜卒屍與天王樓俱高出白飛生擒劉楫到于帳下問之劉楫乞命飛曰我與尔各爲其主不可怨腰斬於市遂復蘄州分兵前去克復郢州隨州岳飛入馬到襄陽遇着齊將李成引兵出城四十里迎戰人馬俱靠江岸立營岳飛勒馬於門旗下見之顧謂諸將曰此賊比先常輸與我上今料他離我一二年想必見事頗多與先前必不同宜知此賊今日動靜還只如舊且如步兵利在險阻之也騎兵利在平川之地今日此賊却將騎兵

據在江岸險阻之地步兵擺在平川曠野之地他便有十萬之兵何足惧哉乃舉鞭指與張憲岳雲尔二人領着步兵二千各執長鎗攻其右之騎隊又指與牛皋王貴尔二人領着騎兵二千攻其左之步隊岳飛自領人馬來攻中軍又戒衆將曰今日攻李賊比前口不同他有虜寇慣戰人馬在內須當謹慎張憲等領了軍令分頭前去三處兵喊聲競起一齊攻入李成支當不住大敗而走岳飛驅動后軍追殺投入江水死者不知其數李成敗走遂克復襄陽府岳飛且奏金賊所愛惟子女金帛志已驕惰劉豫僭偽人心終不忘宋如以精兵二十萬直擣中原恢復故疆誠易爲力秦陽隨鄆地皆膏腴可行營田其利爲厚臣候

和足即過江北勦戮敵兵時方重深入之舉高宗悅乞其請而管田之議自是興矣是時

韓世忠田金陵

紹興二年詔左氏張綱等條具陳賂及臣僚獻議屯田盡以閒中書門下言建康府江南北岸荒田甚廣詔令孟庚韓世忠措置為屯田之計

王之奇田兩淮

紹興九年令知揚州王之奇措置兩淮屯田

岳飛田鄂州

岳飛任宣撫使日為諸軍策發老弱不堪披帶兵甲者七十餘人立為提軍名額專使管田於鄂州

吳介田梁州

張大軍進鄧州屯紮聞知李成投奔金營乞兵來
助登州粘罕使副將劉合孛童領西番人馬與李成來到
列陣於西地上下距營三十里迎敵宋軍岳飛喚過張憲
牛皐謂之曰爾領本部兵從光化路進抄出敵人之後二
人引兵去了又使趙雲李寶兒引兵從橫林埋伏候敵人
過半從中截殺吾自引兵策應趙雲李寶兒領計去了着令
徐慶岳雲部鉄騎五千橫冲其陣次日岳飛擺開陣勢策
馬持鎗跑出陣前大罵背天狂逆今日休走番將高仲舞
刀躍馬迎取岳飛岳飛約退數十步只一合將高仲生擒
馬上徐慶岳雲一支鉄騎兵從橫衝出將金陣分作兩截